

Sier Francesco Donado, fo auditor vechio, <i>quondam</i> sier Alvise,	31.
Sier Francesco Capelo, el cavalier, fo ambador in Franza,	66. 62
Sier Constantin Zorzi, <i>quondam</i> sier Andrea,	31.
† Sier Zuan Badoer, dotor, fo ambador a Napoli,	72. 59
Sier Piero Contarini, l' avochato fiscal, <i>quondam</i> sier Zuan Ruzier,	23. 90
Sier Marco Minio, di sier Bartolo,	28.
Sier Alvise Mozenigo, fo savio ai ordeni,	45.
Sier Giacomo Michiel, fo auditor novo, <i>quond.</i> sier Thomà,	21.
Sier Polo Capelo, el cavalier, fo avogador,	58.
Sier Antonio Zustignan, è di pregadi, dotor,	70.
Sier Nicolò Michiel, dotor, fo ai X officij,	35.
Sier Andrea Arimondo, <i>quondam</i> sier Simon,	16.
Sier Antonio Condolmer, fo ai X savij, <i>quondam</i> sier Bernardo,	47.

A di dito, in pregadi.

Orator in Franza in luogo de sier Domenego Bolani, si ha escusado.

Rimasto † Sier Lorenzo Zustignan, podestà a Brexa, *quondam* sier Bernardo, cavalier procurator

46 *Da Roma, per lettere di l' orator nostro.* Si ave, come re Fedrico cargava a Napoli sue mobilie in galia, per passar a Yschia; et che a di 4 monsignor di Obigni, con el conte di Caiazo, per nome dil re di Franza, intrò in Napoli, justa lo acordo. *Item*, a Roma el cardinal di Capua, di natione, che stava in palazzo dil papa, morite. Et fo divulgato, el conte di Cajazo havia fato ripresaia a Napoli contra i beni e la persona di sier Marco Bragadin, *quondam* sier Andrea, da San Sovero, per esser venitian, et la Signoria tenirli il loco di Cavalhabò in cremonese; ma non fu vero.

I Diarii di M. SANUTO. — Tom. IV.

In tanta *rerum mutatione* è andato al basso do stati, *videlicet* el ducha di Milano, di caxa sforzescha, et el regno ragonese di Napoli; per li qual stati è dato grande affliction a' venitiani per il turcho, indutto *potissimum* da questi do signori, che, visto non si poter mantener, hanno provocato turchi contra la Signoria nostra.

A di XI agosto. Fo electo luogo tenente in Cypro sier Baldisera Trivixan, fo consier, el qual, *timore turcarum*, refudò.

Da Ragusi, per lettere di sier Troian Bolani. Si ave, che albanesi, con auxilio di hongari, hanno arsaltado le minere dil turco e fato grande occision.

In questi giorni, el serenissimo principe nostro, per mutar aiere, si parti, a di 8, di qui, con licentia, e andò a Padoa a la sua caxa, fata di novo in Portzia, qual à donà a suo zenero, sier Zorzi Nani. Et perhò in soa absentia si trata dimandar a la Signoria gratia per sier Andrea Zanchani, bandito a Padoa, che 'l possi ritornar a Venetia. El qual fo condanato in pregadi per esser provedador in Friul, come ho scritto.

Di Alexandria, per lettere di zugno, in li Bragadini, da San Sovero e sier Beneto Cabriel. Si verifica la nova di le specie de India zonte in Portogalo; e che mori al Chajero à saputo, che in Coluqu è capitato nave e caravele de' franchi e hanno cargato specie; e, volendo mori divedar, son stà morti 40 franchi. E per lettere di Baruto, di 30 mazo, in sier Zuan Cabriel Contarini, si ave, come el zonse un schiavo dal Cajero, che andò a dir al castelan di Damasco, che 'l tenisse quel castello in bona guardia, perhò che mamaluchi haveano cazado el signor soldan de sedia, lo qual stava ascoso nel Cajero, ben che dicono sia fuzido, per caxon che ogni di fazeva amazar, mo questo, mo quello; et haveano sublevato uno Gavison Gausi per soldan. El qual, per esser povero, non voleva acceptar la signoria; e scusavasi, non haver danari da dar a li mamaluchi, li qualli risposeno: Non volemo danari, accepta pur, e prometi, che quando haverai danari, tu ne darà le nostre page; e, vedando che lo astrenzevano, acceptò la Signoria. Alhora el signor de Damascò, inteso che 'l fradelo suo, che era soldan, fu scazado, chiamò sier Piero Balbi, el cavalier, consolo nostro, dicendo: El me convien partirme de qui; toleti le vostre robe, che havea comprado, per mandar al Chajero, per ducati 4000, zoè lavori d'oro, di seda e panni; e, non tornan lo, ve remeto ducati X milia, che me haveti a dar per le na-